

# **KA KOT RI KSOH**



**DA  
U DHON SING LYNGDOH NONGBRI**

**( Ki akor iewbih ki longshuwa )**

**—2001—**

**( This book is published with the financial  
assistance from the State Government  
of Meghalaya )**

Acc. No. 1/4079/RB

Class No. — — Book No. — —

Author Nordon, Lyngdoh Dhan Singh  
Title Ka Kot Ri Ksoh.

Borrower's

11 10 -- .

Acc. No. 1/4079/RB

**DISTRICT LIBRARY**  
**GOVERNMENT OF MEGHALAYA**  
**RI - BHOI**

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. *Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.*

**Help to keep this book fresh & clean**


# **KA KOT RIKSOH**

**DA**

**U BAH DHONSING**

**LYNEBOH NOMBRI**

U ba la thoh ia kane ka ket u la thoh  
ruh ia ka 'Kot Saipar' bad ka 'Kot Meipa' da  
ka jingkynd (Poetry) shaphang ki jingdon-  
nam bad jingjia ha 'a ka ri. Ki jinghikai bad  
ki jingpynshlur kiba halor ia kiba rit ha ki  
akor ki burom bad ia ki kam bashisha.



# SHI KYNTIEN


Nga dap da ka jingkmén ban tip ba i bah Dhon Sing Lyngdoh Nongbri sa shisfen i la sei na la ka dohnud ia ka jingkyamaw burom la la ki Longshwa. "Ka Riksoh" ka iathuh kumno ka Burom ka Akor ha ka Ri Baieit jong ngi ka ield na kawei ka pateng sha kawei pat. Ba dei ki Longshwa ki Manshwa kiba la ai ka jinghikai kaba donkam ha ki Longdien ba kin tip bad bud ia ki jingsneng ki jingkaw. Kumre kein ka neh ka burom u Khasi.

Nga shim ba kane ka kot ka long ka jinghikai ia ka jingkordor ki matti u Barim. Bad dei tang lada ngi ithuh bad niewkor ia ki ba hagdeng ki jingat phyl-lung ki jingkylla kiba don sawdong jong ngi, ba ka don ka jingkyrmen ia ka lawei ki pateng ki ban dang wan.

Ngi kyrmen ba ka Ri kan iai suhsieng iewbih da ka Burom ka Akor.

K h u b l e l .

( Dr. B. S. Sylem, )  
Syiem Ka Hima Khyrim,  
S m i t.



## **Shi Kyntien Shaphang ka Kot**

Nyngkong nyngshap nga ai knublei ia U Bah Dhonsing Lyngdoh Nongbri, namar ka jingpynshitom jong u ban pyrkhat ia ki khun ki ksiaw jong kane ka pateng, ban tip bad sngewthuh ia ka akor ka burom ka tip briew tip Blei bad ka jinglong ba hok bad ba shida jong ka mynnor. Ki katto katne ki riew rangbah bad ki longkmie kiba la jngi ha ki um'kheid jong ka Sotti Juk kin da niewkor bad kyntang ia ka kot Ri-ksoh. U Nongthoh u la rwal myllung bad phawar ruh ia ki rukom jinglong jingim ba kynja briew bad ka jingpyniaid hok bad ryntih ia la ki longjirg longsem, ka synshar ka khadar ha ka imlang sahang.

Kane ka kot, ka iawer ia ki khun Samla bad khyn-nah jong ka jaidbynriew Khasi Khara jong kane ka juk, ban pule bad bud ia ki nuksa kiba kordor — kiba u Nongthoh u la trei shitom shibun eh ban rwai bad phawar ia ka jingim khuid bad synlar jong ka pateng kaba la leit noh ban ieng rasong pat ka akor ka burom jong u longshuwa manshwa.

**Dated : Lumkshaid,  
Lower Mawprem,  
The : 10th March, 2000.**

**Mr. M. R. Aliya  
General Secretary  
Khasi Jaintia  
Welfare Association**

## Ka Kyntien U Nongthoh

*Nga u nongthoh nga la ioh shlbun shisha ki jing-  
tathuhkhana naduh ki por khynnah, rit. Nga sngewtynnad  
eh la ki jingiathuhkhana ki tymmen bad nga la  
mlien haduh ban da heh da san da rangbah. Ngam  
sngewtynnad shuh ban shongkai para khynnah bad nga  
sngewtynnad tang bad ki tymmen ban phah lathuhkhana.  
Nga la ioh jingiathuhkhana la bun bah bad kham bun  
kaba nga la klet noh. Te katba nga lah el ban kyn-  
maw nga la pynmih da ki kot kiba da ka jingkyndud  
khana tang (Poetry) bad kita ki kot ki dei: "Ka Kot  
Saipar," 'Ka Kot Meipa' bad Ka Kot 'Riksoh'.*

*Nga la ioh jingtip bun jaid shaphang ki riwdon-  
nam, ki jingjia, jingdonakor, jingtrei jingktah bad kum-  
ta ter ter. Bad ia ka jingbakla ruh kaba nga shah shoh  
shah mai, te hadlen nga kylli pat la ki, ba kato ka  
jingbakla jongnga ka poi sha kaei ka jingsniew? Nga  
kyrpad jur ia ki khnong ba ngan tip bad ngan kiar  
shisyndon ia ka bad sagewbha lathuh ba ngan sngew-  
thuh. Ki nongmai kim banse ban lathuh ia nga haduh  
ba ngan da sngewthuh shai bad kumta nga long uba ioh  
bun ki jingiathuh khana.*

*Ka long kaba sngew pangnud ba bun ki ba nga la  
klet bad tang katba nga kynmaw el nga la pynmih du  
ki kot, ia ki jingiathuhkhana bad ki jinghikai kita ha-  
lor jong ka iing lem bad ki tymmen ba bun hapdeng  
u Kur u Kha.*

*Dated Maw u-sam  
Thangsning.*

*Bah Dhon Sing  
Lyngdoh Nongbri.*

## LAMPANG

*Ka jinekynmaw burom ia ki longshuwa ki nongpyn-iar ia ki jinglong akor batha sha ki Kmierad Kparad bad sha ki Kmie ki Kpa ki Kni ki Kong shaduh ki longdien baroh. Ka jingi-it akor jong ki longshuwa ki pynkdew lynti ia ia ki khun bad ia ki marjan marpa baroh. Ki sneng ki bthah ki hikoi ia ia ki khun ba kin ia nangbha ia ka lynti babha ba kin rot ho ki sngi jingim jong ki, ki marjan marpa ki ioh nuksa ia ki lynti babha bad ki ia long lem kumjuh ki ia ioh nuksa markylliang ha ki jinglong briew man briew.*

*Ka jingitkhuhlei ia ki kmie ki kpa tymmen kiba dap ba shlei tang da ki jingalei ia ki longdien. Kiba ialeh tynggeh ia ki jingeh baroh, ia ha u slup ka lyer, ka shit ka khriat bud ka khla ka shon baroh. Te ki kmie ki kpa ki ioh nuksa kumjuh, ki trel shitom bad ialeh tynggeh kumjuh kumba leh shitom ki longshuwa na ka hynta ki longdien. La ki ia trel shitom kim don jingthait; ki nanghikal shuh shuh ia ia ki khun ba kin ia nangbha ia ki akor ban ia bha shi iing shi sem. Ban lait ka kynshi thala u Kur u Kha ha ki jinglong parabriew.*

*Ki ba halor jong ka iing ki ioh nuksa poteng na kiba kham halor ia ki, kumta ia nanghiar pateng ka akor babha sha ki longdien. Da ka akor ki hukai ban iett ia ki kam jingirei, ban buh jingkyndaw ban nym klet ia kaba kilu kdew ha ka long kaba donkam. Ki pynshlur ban smat ban minot ia kiei kiei kiba kila hukum; namar ban pynmlen ia ka jinglong met ban dup long kiba lait na ka jingkyrduh ryngkot ka jingdonakor babha. Ka long ka tynrei ba hikoi ki kmie ki kpa bad ki kni ia ki samla, khynnah bad barit jong ka iing.*

*Nongthoh.*

# **Jingmut ka Kot Riksoh**

**Ri :** *Ka mut ba ri ha sumar ia ki kam bad ki jinglong ba sngewdonkam.*

**Ksoh :** *Ha ka ktien tynrai la jong kaba mut iasnoh bad shim nuksa ia ka jingshisha, kaba bha tam. Ka jingmut ba kongsan ka long; pyn-rung la ka jingshisha ha ka mynsiem ba jar jar ba kan neh baroh shi rta. Ia kaba la hi-kai da kiba halor bad la kaba ioh nuksa ha ki kam babha na ki para briew.*

**Riksoh :** *Ka mut hun mynsiem ha ka lynti babha kaba skhem triang.*

*Ki kmle ki kpa ki thrung la la ki khun ba kin long kiba kohnguh bad kiba skhem dohnud ha ka lynti jingbha. Ki rakhooh mynsiem haba ki shem ba ki khun ki salilah bad ki iamrem ialude haba marwei. Ki throng tyngoh ba ki khun kin ri kin ksoh ban lum ban kynshew bad ban im sngi ia ki kam ki akor ba hok.*

*Ka Riksoh la al Kyrteeng ia kane ka kot kaba la thoh ia ka jirgypynshlur ki kmie ki kpa ia la ki khun ba kin ia ri ia ksoh ia ka jingshisha, ban roi ha ki kam babha ha ki jingim jongki.*

**U Nongthoh.**



## **Jing Sngewthuh**

*Ban ioh la ka jingsngewthuh shai ha ki jingpule ia kane ka khonatang, kaba la pynlong da ka jingkynud (Poetry). Pule na ba sdang kaduh ban da kut ka lynnong bad bishar ia kata ka bynta ha kano ka lyntiba ka kdew. Ka don ruh ka lynnong kaba slat jngai ia ka jingmut, tang ban pynlyngkot ia ka jingkynud. Namar ka jrong eh ban khlem aa slat jngai. Ka long pat kaba suk ban sngewthuh ba la don jingpynshai shajan ba kut ka lynnong. Don bun ki lynnong jong kane ka kot kiba sngewthuh shai lypa naduh ba sdang bad ka long kaba sngewthuh bha ki nongpule.*

*Kane ka kot ka dei ka kot trai ri jong ki jald bynriew Hynniew skum hynniew trep. Kiba pule kin sngewthuh ba katno ka jingriewspah ha ka liang ka a-kor ka burom ban kat ka jong ki Khasi Pnar.*

*U Nongthoh*

# **Jingkordor**

*Ka Kot 'Saipar,' ka kot 'Meipa' bad ka Kot 'Riksoh' ka long ka kot kaba dei belt tang shaphang ka jaidbynriew Hynriew skum hynriew trep. Ka long kyrpang shaphang ka ri bad ki akor babha jongngi ki Khasi Pnar. La lum kyrpang khnang ha kitei ki lai tylli ki kot, ba kin bishar bniah ki paid bynriew ba pule bad ba kin sngewthuh ia ka jinglong ba kordor tam jongka.*

*Ka Kot Khasi ba kyrpang kaba la rimbha ka dei tang ka Kot Jingsneng Tymmen kaba u nongthoh ula lum tang ia ka akor ki bu'om ka jaidbynriew la jong. Kiba bun pat ki kot Khasi ki long kiba la khleh ia ka jong kiwei pat ki jaid bynriew ba bun jong ka pyrthei. Ban pyrkhut ia ka kot ba kordor tam jong ka ri bad ka jaid bynriew ngi donkam bun phai dien shuwa talade, ba ka jaid bynriew kaba kumno bad lada ym tip ia kata la long pynban ki jaid bynriew khlem nongrim ha ka pyrthei.*

*La kyrpad ia ki nongpule ka jaid bynriew Khasi Pnar ba kin ia bishar bniah ha la shimet shaphang kitei ki lai tylli ki kot kaba dei tang ia ka jaidbynriew la jong.*

*Khublei Khublei*

**Bah Dhonsing Lyngdoh Nongbri**  
*Mavusam Thangsning*  
*Khyrim Syiem ship.*

## JINGKDEW

	Pages
1. Jingjop	1
2. Jingialeh kibor met	1—2
3. Jingbuh jingkynmaw	2—3
4. U Sohkni	3—5
5. U Knisoh	5—6
6. U Kni	7—8
7. I mei i pa ba duk	8—9
8. Jingieit i mei i pa	9
9. Da tip por	10
10. Jingroi	10—11
11. Ban kiew kyrdan	11—12
12. Minot hok	12—13
13. Ieit la i ing	14—15
14. Jingkit khia bha	15—16
15. Jinghikai i mei i pa	16—17
16. Jingmlen	18—19
17. Jingtipbriew	19—20
18. Khad-ar symbai	20—21
19. Pynthor kba	21—23
20. Jingtnei jingktah	23—24
21. Kpersoh	24—26
22. Khun jyndong jingmut	26—27
23. Samla ba kohnguh	27—28
24. Ki sim por sohsawkba	28
25. Syntiew ba shisha	29—30

	<b>Pages</b>
26. <b>Khun jynsur jingmut</b>	30—31
27. <b>Kpa jynsur</b>	31—33
28. <b>Kmie jyndong jingmut</b>	33—34
29. <b>Kmie ba jynsur</b>	34—35
30. <b>Synshar shnong</b>	35—37
31. <b>Jingpyniaid akor shnong</b>	37—38
32. <b>Jingtroin akor</b>	38—39
33. <b>Ki khun soh khun syntiew</b>	39—40
34. <b>Jinglong syiera</b>	40—42
35. <b>Ka ktien ba kordor tam</b>	42—43
36. <b>Ka ktien ba pynpaw</b>	43—44
37. <b>Ktien palat pud</b>	44—45
38. <b>Ktien ialok</b>	45—46
39. <b>Ktien biria</b>	46—47
40. <b>Ktien sbun</b>	47—48
41. <b>Ktien jem</b>	48—49
42. <b>Ktien sngewbha</b>	49—51
43. <b>Ktien thok</b>	51...52
44. <b>Ktien sngewsih</b>	52—53
45. <b>Ktien ka nongialam</b>	53—54

## JINGJOP

1. La ki kam da smat da sting,  
Sha jingjop ba kan sa khring;  
Da jingkyrmaw da buh thikna,  
Sha jingjop ban poi shisha.
2. La dep pule kawei ka lynnong,  
Da jingkyrmaw bha da pynshong;  
La dei jingiathukkhana ne poitri,  
Da kymaw bha katba lah ia ki.
3. Ki nongrep ba ki a'om samoi,  
Ki da tip lypa ba kan sa poi;  
Ha jingkyrmaw jongki kaba biang,  
La ki jingrep ba kin pynphriang.
4. Lyngba ki por kiba la leit,  
Ki buh jingkyrmaw beit beit;  
Baroh shi lynter jong u snem,  
Ki iai kymaw ia kaba la shem.
5. Kiba bat sani ia jingkyrmaw,  
Ki jingjop ba shisha ki ju paw;  
La kiba rep ne kiba leit skul,  
Kiba kymaw shaphrang ki tur.
6. Sharai la ki kam ban minot beit,  
Ia u soh babha kin sa ioh kheit;  
Ia jingkyrmaw kiba sharai bha,  
Ka jingjop ka ju leng risa.



## JINGIALEH I BOR MET

1. Jabieng ka nongbishar,  
Ia ki jingmut kiba iar;  
Ha jabieng ka jingpyrkhat,  
Ha ki kam, ki kti ki kjat.

2. Ki khmat dei ki jingpeit,  
La trei la ktah lawan la leit;  
Pynhiar mynsiem da ki khmut,  
Katba dang im kam ju kut.
3. Ka shkor ka jingiohsngew,  
Ia ka ktien kaba nang kdew;  
U thylliej ba hapch ka ktien,  
Ban ia kren kyrhai byllien.
4. Shi rynieng la biang kyrhai,  
La ki kam ban ia sharai;  
La jingdonkam ban ia khreh,  
Ki kam baroh dei ki jingialeh.
5. Ka jingialeh ba kongsan tam,  
Dei jingminot ia la ki kam;  
Phet lut ki jingkyrduh ba sniew,  
Ba ka jingroi ka iai kyntiew.
6. La ki jong ki kam ban iabeh,  
La kiba suk la kiba eh;  
Kiba smat khlem jingsalia,  
Ki roi ki par da jingshisha.



## JINGBUH JINGKYNMAW

1. Ia ki kam kiba shisha,  
Ban buh jingkynmaw;  
Don bun ki jingphoida,  
Jingiohnong ka ju paw.
2. La ki por thung por bet,  
La dei ki a'om ki samoi;  
Ka por ka mareh stet,  
Da smat ban pynkloi.

3. Ki khynnah ha jingpule,  
Ki nongrep ha lyngkha;  
Ban lait ki jingbabe,  
Jingkynmaw da buh bha.
4. Nongpule, pynngam jingmut,  
Nongrep, bat jingkheih por;  
Katba jingkhreh kam pat kut,  
Ka jingsmat kaba kordor.
5. Jingshah shkor bad jingsngap,  
La pynngam ha dohnud;  
Ka nam ka burom ka ap,  
Ryngkat ka spah kan sa bud.
6. Bat shkor ho kyndong,  
Ban buh jingkynmaw;  
Jingroi jingpar la jong,  
Kumba kynshew ia u khaw.
7. La ki por ki jingialeh,  
Ne ki por ki aiom rep;  
La duna bun ki jingeh,  
Ba lah beit ban pyndep.
8. Jingkynmaw la bat skhem,  
Long dular khlem jingduh,  
Iaid shaphrang ha la ki snem,  
Khlem don jingeh shuh.



## U SOHNI

1. Ki ling ba khlem shynrang,  
Ba la khot ing sah khynnah;  
Bym don rangbah lamphang,  
Ha jingeh ban kit ban bah.

2. Ki kam bakhia bashon,  
Bad ki kam sngewbha baroh;  
Ha jinglongbriew ba ju don,  
Bun jaid ki kam ban ioh.
3. Shynrang u kur u kha,  
Ban khot ban iarap lem;  
La khot sohkñi ia kita,  
Ia jingeh ban ia pynjem.
4. Ki ñing kynthai khynnah,  
Rangbah marjan ki shimti;  
Ha bynta ka kam rangbah,  
Ki ia kit ia jinglongkni.
5. Ha la ñing ki kur ki jaid,  
Lane ha ñing ki kha ki man;  
Ha ki kam ym ju lah lait,  
Para ba shong marjan.
6. Ki rangbah ba shisha,  
Ki tip ka burom ka akor;  
Ia kaci ka bym shongnia,  
Ia kata pat kim don por.
7. Sohkñi dei kiba iarap bha,  
Ba ju iarap ia jong kiwei;  
Ba tmang, ba kordit, ba ships,  
Ha ñing ki riew kynthai.
8. Kiba khlem u'ñi u kong,  
Ha ka ñing ki kynthai bapli;  
Iarap u rangbah babha jinglong,  
Uba la shah khot sohkñi.
9. Ne kñi ka ñing dang khynnah,  
Uba dang bieit dang duna;  
Ki khot sohkñi da u rangbah,  
Da uba sian bad babha.



10. U shynrang ba kit longkai,  
 la jingpalei u pyrkhat sani,  
 Ban biang akor lynter sngi,  
 la jingeh u iai shah tylli.



### U KNISOH

1. U knisoh u kni syntiew,  
 Uba niewkor ki kur ki kha ;  
 Uba la iohnam parabriew,  
 Ki kur ki da sngewbha.
2. Um ju treh ki kam buaid,  
 Um ju treh ki kam awria ;  
 Akor babha u ju pyniaid,  
 U ieng beit ha jingshisha.
3. Ba ha iing ha sem la jong,  
 La Ingkur ne la Ingkhun ;  
 Um ju don ka jingmong,  
 U bat skhem ia jingsbun.
4. Haba shem ka eh ka shon,  
 U pynstet la jingpyrkhat ;  
 Tang jingbha u theh ka mon,  
 Ha jingiabha u sngewtynnad.
5. La kiba lehdom leh bitar,  
 Ha jinglait ha jingbakla ;  
 Ba ju bakla hi salonsar,  
 Ban thaw seng aiu iaka ?
6. Ktien ba mih u knisoh,  
 Ki ingkhong ki lehrain ;  
 La tynrai hok u kren baroh,  
 Hangta pat ki pyndem tmain.

7. U ai ka jingiathuhkhana,  
Jingmut bashisha u batai;  
Ia la ki paid longkur longkha,  
Lynti babha u da pynshai.
8. Tang ia ki kam ki jingshisha,  
U bat da jingmut ba skhem;  
Ia kiba ha ing u ai nuksa,  
Ban ia sngewthuh baroh lem.
9. Ka nam ka burom u paw,  
Na la ing la sem nyngkong;  
Kum ki um ba sngur ki jaw,  
Ha ki paid ki briew la jong.
10. Sa ha ki kur ki kha baroh,  
Jingbha la mlien kumjuh;  
Ki sa khot burom u knisoh,  
Ba dei u rangbah ba sngewthuh.
11. Knisoh jingmut ba jynsur,  
Uba i shongkhia bad i palei;  
Uba i phuh ki khmat ki dur,  
Bad ktien jingshisha u ju sci.
12. Knisoh kham bun mynshuwa,  
Ia don ha la ki kur ki kur;  
Kiba ia pynieng ia jingbha,  
Da ka mynsiem kaba jynsur.
13. Ktien ki knisoh bakordor tam,  
Ha khmat ka 'eriong' ersaw;  
Ki pyndem ia ka waitlam,  
Ha ka ktien u knisoh bakhraw.
14. Da leit ko khynnah samla,  
Jingsbun sngewrit bashisha;  
Ha jingjemnud bad jingbha,  
Ban sah pyrtto baroh shirta.

## U KNI

1. Ka kmie ba bun ki khun,  
Ba don kynthei shynrang;  
Jingshngain ba da i hun,  
Kyrhai ba ia don lang.
2. La don sa ka jingtylli,  
Ha ki buit ki bor babha;  
Ha jingmaitphang u kni,  
Mynjur ka kmie nongkha.
3. Longkni jynsur jingmut,  
Akor babha ka neh dustur;  
U longkni u batai lut,  
Shngain baroh ki longkur.
4. Longkni ba lyngkot jingmut,  
La khot u kni khynnah;  
La nih ki kam ba ia thut,  
Um lah ban kit ban bah.
5. Kni khynnah sa ka buaid,  
Um ju lah ban iai shah;  
U pynmih sa ki jingpynpait,  
Ki kur ki kha ki ngiah.
6. Ka jinglongkni kaba bha,  
Kim ju bun nia palat;  
Ki ap ha ki sur jingsawa,  
Ban pyniabha ha ryngkat.
7. La kni uba bha uba janai,  
Ia lade u sngewrit kynjai;  
Ia uba pli ki lah ban mai,  
U jemnud khlem khuslai.
8. U tip ia jingbakla ha pyrtnei,  
Ba don kam ki jingpyrkhat;  
Ba ka dei ka bynta U Blei,  
Kumta jingsngew ka shat.

9. U ong, don kyrhai ka lait,  
Baroh parabriew ha pyrthei ;  
Para pyrsa wat ju ia pait,  
Wat bitar kiwei ia kiwei.
10. U ong, icit bad iaishah hok,  
Ap jynsur ia la ka nia ;  
Sngewbha lut ki paralok,  
Jingbha ka iai neh rta.
11. U ong, lada don kiba thlia,  
Da jingpanmap lamphang ;  
Hangta ju ieng ka jingbha,  
Ia lade kit burom kyrpang.
12. U shynrang ha ka pyrthei,  
Ba tang janai da U Blei ;  
Jinglong babha ban ai ei,  
Akor babha ki theh synei.



### I MEI I PA BA DUK

1. I mei i pa ba dang duk,  
Lynter ki sngi khlem jingsuk ;  
La trei la ktah khlem sahngelh,  
Ban pynbiang ba ki ia leh.
2. La thiah la dem ki kordit,  
Katba ngi dang ia rit,  
La por sngi la por synia,  
Lynter ia ngi ki pahara.
3. Ryngkat ka trei ka ktah,  
Ia ngi ki kit ki bah ;  
Ban pyndap ia jingduna,  
Ban biang u khaw ka ja.

4. La duk ruh ki phah skul,  
Ba ngin pule ki pynshlur;  
Ban ia biang hi ma ngi,  
I mei i pa i khmih lynti.
5. Jingleh shitom i mei i pa,  
Ngin burom baroh shi rta;  
Da jingkyrkhu jong u Blei,  
Ia ngi ha sla pyrthei.



### JINGIEIT I MEI I PA,

1. I mei ia ngi la kha,  
Bad jingieit jingri jingbsa;  
Da ki jingsumar ba bha,  
Ka jingieit jong i mei i pa.
2. I mei i sumar syntiew,  
Ia ngi ban iai kyntiew;  
Bun jait ba ki thaw lad,  
Ia ngi ban ai jingstad.
3. Ngi tang shu nangkren,  
I mei i ju pynmyllen;  
Bun jait ki jinglehkai,  
Ba iai long ki jinghikai.
4. Tang shu la kham beh,  
Jingpule ki la pynkhreh;  
Ki hikai ka sait ka khlieng,  
Baroh la ki kam ɿng.
5. Ban tip ka trei ka ktah,  
Ia ngi ki thrang ki kwah;  
Ban tip ia ki jingpule,  
Naduh ki por dang khie.



## DA TIP POR

1. Ka por ka wan ka por ka leit,  
Kam ju don jingshong thait;  
La ki jingstet kiba iaid beit,  
Ka nangphet bad nangiaid lait.
2. Ki briew kiba trei smat,  
Shibun ki ioh jingmyntoi;  
Ki briew kiba jaipdeh pat,  
Ki duna bun ha ki jingroi.
3. Ka por kam ju ap lok,  
Shi junom jong ka pyrthei;  
Kiba smat la ki jong ki hok,  
Jingroi jingpar ki nangtei.
4. Kiba buh teng ban trei pat,  
Kiba shongkai myllen noh;  
Por ba la leit kim ioh bat,  
Kylla babe ia ki kam baroh.
5. Jingshongthait don hi ka por,  
Shi bynta ki kam la dep;  
Ban jahthait ha la i bor,  
Ba ju shongthait kiba rep.
6. Katba dang dei ka por trei,  
Kynjai minot la ki kam;  
La ki por khlem jingduhei,  
Ka jingiohnong kan sa wallam.



## JINGROI

1. Ka buit jong ka jingsmat,  
La ki kamram hok la jong;  
Ka jingroi ka bud ryngkat,  
Jingroi kan sa wan shong.

2. Ka jingsmat kan kham khraw,  
Ha jingnang pyrkhat kam;  
Jingroi ka ju kham paw,  
Ba jingpyrkhat ka ia lam.
3. Ka jingsmat khlem jingswar,  
La jingpuson khlem da ngam;  
Ka kam ka jam ka duna jingiar,  
La shu biang tang ban bam.
4. Baroh jait kam ha ka pyrtnei,  
Ha la ki kti kadiang kamon;  
La ijong ibor katba lah ei,  
Jingroi hangta hi ka iai don.
5. Lada duna la ka jong ka bor,  
Ban pyrkhat ki kam borbah;  
Ka long bakla ban ia nujor,  
Namar jinglongrit kam lah.
6. Bajrong ba lyngkot baheh barit,  
Ka bor ka iapher uwei na uwei;  
Kat ibor la jong dei ban kit,  
La ka jong ka nohsib ha pyrtnei.
7. Jingnangpyrkhat bad jingsmat,  
Katba lah la ki jong ki bor;  
Ka jingroi kan sa kiew artad,  
Jingroi ju kiew man la ki per.



## BAN KIEW KYRDAN

1. Ia la ki kam da ieit kyrpang,  
Ka lynti ban kiew shaphrang;  
Pule bad iai dem pyrkhat,  
Ia ki jingmut ban ioh bat.

2. Ban pule stet kumba her,  
Ia jingpule suki, ia ia pher;  
Pule suki, ba kynmaw bha,  
Pule stet her tang jingsawa.
3. Kawei ka lynnong la pule lut,  
Da bishar kaei ka jingmut;  
Pyndon kam bha ia jingmien,  
Ban jop khlem artatien.
4. Lada kiba proh jabieng lei lei,  
Kin pawnam beit ha pyrthei,  
Rukom pule ban da ia nang,  
Sha khmat ban ia lam phrang.
5. Ia ki nongbatai ia ka jingkhein,  
Shahshkor bad da peit pyllein;  
Katba ym pat sngew thuh,  
Bunsien iai kylli shuh.
6. Lada ia nang ban khreh kot,  
Man la u snem khlem mophot;  
Baroh baroh ia long nongjop,  
Da jingnang minot thop shi thop.



### MINOT HOK

1. Ha ia ki jong ki kamram,  
Da bat jingminot hok;  
Jingpule ne la trei la ktah,  
Ym ju bha ka buit thok.
2. Ka buit thok don ka ram,  
Hadien ban beh kylla;  
Hadien ia lade shah shet,  
Ha ki bun jait jingthala.



3. Ia kici kiei ki kam,  
Kumba trei da iathuh hok;  
Jingpalei ia lade hi kan wan,  
Ba ki jingbha ki wan ialok.
4. Don hi teng teng ba shah mai,  
Bym lah ban pyndep kam;  
Ym long sngewrem ne khuslai,  
Ka jingkyrpad rit babha tam.
5. Ia jingkyrpad baroh ia icit,  
Kiba haing bad i mei pa;  
Ka long ka akor babha tam,  
Parabriew ha ki kur ki kha.
6. Minot hok, la pule la trei,  
La ki burom la ki akor;  
Jingroi ka don shaphrang,  
Ha la ki jong ki bor.
7. Don bun kiba leh raiñ,  
Ban iathuh ia jingbakla;  
Lada bat ia kata ka jingmlieh,  
Wan ialok ki jingthala,
8. Dem ngon ha la ki kam,  
Lada stet ne lada suki;  
Ban pyndep ia ki lynnong,  
Ha jingminot la ju lah hi.
9. Jingkyrmen bad jingminot,  
Pyniaid ryngkat thop shi thop;  
Ym ju don jingshah rem,  
Man la u snem rah jingjop.
10. Ieit ia jingminot hok,  
Da la ka mon sngewbha;  
Ban iaideit la ka jinglong,  
Ha la ka jingim shirra.



## IEIT LA I ING.

1. Baroh kynthei shynrang,  
Baroh ki ieit la ing;  
La ki jong ki ieit kyrpang,  
Ka ing ka phuh ka phieng.
2. La leit la ki kam ki jam,  
Sha la ing ki jingwanphai;  
Lada jngai la ki kam,  
Sha la ing dohnud bajanai.
3. Im sngi im miet kyndong,  
La jingtrei kyHeng jaka;  
Ban kynshew ha ing la jong,  
Sha ing dohnud bashisha.
4. Haba don ha la ing la jong,  
Ki bishar kyndong kynshrot;  
La ha phyllaw ne kyrpong,  
Ban peit la jingmoramot.
5. Iaidkai than sha ing kiwei,  
Jingieit ing ka shong sting;  
Tengkhat sha kam ju lei lei,  
Ban mlien pat te ka ring.
6. Ka jingbang ia jingiaidkai,  
Kham tam eh ki khynnah,  
Tang iohmon la long tynrai,  
Man ka sngi ki iai kwah.
7. Tymmen ki ong ban kwah shang,  
Kam ju long ka kam ba bha;  
Jingpynshoi kynthei shynrang,  
Khah khah ka ju ngat ruma.
8. Bakla akor tang khyndiat,  
Jingtip ka her sha ki paitbah;  
Ban da shoh jadu sa u thiah,  
Pat ialade ban kah.

9. Lada ia ki kynthai khynnah,  
Kyrhai ki jingpynshoh bjeit,  
Jingkhroh ki ju mih arshah,  
Hangta te la jot ha jingieit.
10. Kylleng la ka leit ka wan,  
Kaba don pat la ka kam;  
Dèi kata kéiŋ kaba kongsan,  
Dèi ka bynta kaba kordor tam.
11. Leit hok ia ki kam lajong,  
La ha ŋng ne la ha phyllaw;  
Akor ba skhem te ka shoŋg,  
Jinglong don akor te ka paw.
12. Jingieit la ki ŋng ki sem,  
Ban sumar sawdong pyllun;  
Ka jingiphuh ka ŋngskhem,  
Ha ka dur ba i shoŋg kun.



### JINGKITKHIA BHA

1. Ka jingieit ia la ka jong ka kam,  
Ka jingroi kaba kordor tam;  
Naduh mynsiem ialeh ban thrang,  
Ha jingkitkhia ban kiew shaphrang.
2. Ia la ki kam ialeh ban kitkhia,  
La jingtrei, jingminot ba shisha;  
Ia la jingtrei la sharai hok,  
Jingkhraw nohsib wan hi ka kok.
3. Shwa ban trei da swar lypa,  
Ba ioh'poi sha jingmakna;  
Ban bet khlem pyrkhat ne swar,  
Ioh shu mophot na long lyngkar.

4. Jingpuson lypa ia la jingtref,  
Bad jingkitkhia ryngkat ka dei ;  
Kum ki jingpule ban bat jingmut,  
Ban iai kymaw khlem kut.
5. Kiba lyngkot jingpyrkhat bapli,  
Ki ia dei ha jingpyrkhat ba suki ;  
Lada ki kwah ban pule stet,  
Mar ia dep pule shisha ki la klet.
6. Pule suki pynngam jingmut,  
Jingkynmaw kim ioh bat lut ;  
Jabieng kan sa kylla proh,  
Ia lade hi kin kylla iaroh.
7. Ia kiei kiei ki bym lah,  
Ban kylli la thrang la kwah ;  
Ba la shong trai ki jingkitkhia.  
La nangbang ki jingshisha.
8. Baroh ha kiba nang ba stad.  
Da jingkitkhia nyngkong ki wad ;  
Na barit nyngkong ki sdang,  
Da jingkitkhia la iaid shaphrang.



### JINGHIKAI I MEI I PA

1. Ki jinghikai ba kordor ia nga,  
Ban niewtang ngam lah satia ;  
Ban tip lut ia jingshisha,  
Ha jinghikai i mei i pa.
2. La ha ing ne ha lyngkha,  
Ba hikai i mei i pa ;  
La jingpyrkhat ban nang,  
Ban nang iai kiew shaphrang.

3. Ha ki por ba dang khynnah,  
La jinghikai bad jingbthah ;  
Ba ngin sian ba ngin stad,  
I mei i pa i plie ka lad.
4. Ha ki por ba ngi la heh,  
Ban myntoi la tip ban khreh ;  
Ha jinghikai i mei i pa,  
La tip jingmyntoi jingphoida.
5. Ka jinghikai ba bha tam,  
I mei i pa i nongialam ;  
Jingmut jingpyrkhat ki tei,  
Ba ngin proh ha ka lawei.
6. Trei lyngkha ruh da minot,  
Kumjuh ki por pule kot ;  
Namar ia ngi ha ka lawei,  
Ki jinghikai ki la ai ei.
7. Jingnang jingtip ba donkam,  
Namar ka lawei ban ialam ;  
Ha ki lynti kiba bha,  
Jinghikai bad ka iathuhkhana.
8. Ban tei ia ki longdien,  
Da jingshahshkor ngi mlien ;  
Ngi niewkor la jingjanai,  
Ia ki lawei ban ai jingshai.
9. I mei i pa i nanghikai,  
Oa jingiet, jingtip ki ai ;  
Ba ngin long kiba seisoa,  
Ha ki akor bad burom baroh.
10. Jinghikai ba phuh ba phieng,  
Nonghikai kiba na la ing ;  
Kiba da tei lut ia jingshisha,  
Ym don ba tam ia i mei i pa.



## JINGMLIEN

1. Pynmlien ki kti ki kjat,  
Ban iai long kiba smat :  
Jingmyntoi ia baroh lang,  
Ha la ing, kynthai shynrang.
2. Da pynmlien ia la ka met,  
Ban trei ban ktah ruh stet ;  
Jingmlien la long tynrai,  
Jingjaipdeh kala jah rngai.
3. Jingamat ha la marwei,  
Jingseisoh kan sa sei ;  
Jingseisoh ka don ha jan.  
Katba ki snem ki iai wan.
4. Baroh ha jingsmat ba ia mon,  
Baroh ha ing katba ia don ;  
Ki kam baroh ki hch ki iar,  
Shong tynrai ka spah ka hajar.
5. Ia la ka met ialeh ban smat,  
Ka jingkyrdueh ka ju phet krad;  
Donkam bad ki jingpyrkhat,  
Ia jingseisoh ban ia ioh bat.
6. Lada mlien ban jaipdeh,  
Ka jingbabe kan sa wan teh ;  
Da ia sumar ho lok kyndong,  
Ban ia stet ka ieng ka shong.
7. Ka jingsmat kam ju lah lait,  
Ka ju don ruh ka jingthait ;  
Da shongthait, khyndiat la biang,  
Sa dih umpjah jahsliang.
8. Ban iai kiew kyrdan jingstad,  
Don bun la ki lynti ki lad ;  
Pynngam jingmut ban da shem,  
Ban iai kiew man la u snem.

9. Ia ka jingthmu ka bym lah,  
Da kylli bha ia ki nongbthah;  
Katba ym pat sngewthuh,  
Kylli bun sien ia ka juh.
10. Da pynshah bha ki jingsngap,  
Ki nongbthah dei ki nongiarap;  
Haduh ban da sugewthuh bha,  
Ba la khot ka jingpei lyngba.
11. Jingkylli ban sngewthuh shai,  
Dei ka jingmlen kaba janai;  
Wei la kylli pyndonkam hok,  
Da kiar jingsniew jingthok.
12. Jinglong da jingtipsngi,  
Sah jingpyrto ha la ri;  
Jingmlen ia ki kam babha,  
Dap jinglongkhuid ba shida.



### JINGTIPBRIEW

1. Jingsumar ba kordor tam,  
Ba bat da jingngett sneng;  
Ba biang ryntih ki kam,  
Ba biang ka iaide ka ieng.
2. Baroh ki tiar ki tar,  
Ban lait jingket jyndei;  
Da kymaw ba da sumar,  
Ban iaide beit la jingtrei.
3. Jingsumar ia la ki kten,  
Jingsumar ia la u thylliej;  
Ha jingshisba ba la mlien,  
Ba la lait ki jinglongbeit.

4. Ban buh lyngkar ia ki tiar,  
Ba la long lynruh lynram ;  
Khlem pyrkhat khlem sumar,  
La jynjar por trei kam.
5. Ki burom ki akor ki shala,  
Ki bym ju sumar kyndong ;  
La ju kynshi ki kur ki kha,  
Ba kim sumar la ki jong.
6. Buh tiar shu bret tang lait,  
Ka long ka akor basniew ;  
La klet la halla ia dait,  
Klet hi, dom ia ki briew.
7. Jingmlen ha jingsumar hi,  
Akor babha ka shong nyngkat  
La jingtnei man la ki sngi,  
Ba iai biang ki kti ki kjat.
8. Jingsumar la long tynrai,  
Jingtipbriew ha la ki sngi ;  
Ka long ka lynti jingshai,  
Burom akor ka ieng tyhi.



### KHAD-AR SYMBAI

1. Jingthung jingtep ha ka khyndew,  
Kiba don bun jait ki symbai ;  
Ki symbai ba la lum la kynshew,  
La ki mynsiem jingim ki sharai.
2. Ktien hiar pateng naduh hyndai,  
La ki symbai jingthung jingtep ;  
Ba ki khot ki khad-ar symbai,  
La baroh ki symbai jingtep.



3. Shi snem don khad-ar bnai,  
Jingdonkam lynter ia ka bam;  
La jer kyrting ki riew hyndai,  
Khad-ar symbai ki ai nam.
4. Shi snem don saw aiom,  
Shi jait ba trei la khot somoi;  
Shi somoi rep ban trei shitom,  
Haba ka aiom thung ka la poi.
5. Ki symbai ki la ia mihsla,  
Haba u slap u la wan poi;  
Ki nongrep kida sumar bha,  
Ban thiew nuit shi samoi.
6. Ki jingthung ki khie ki san,  
Bad hadien ki sei ki soh;  
Ka por ban iohkheit la jan,  
La jan ki somoi lum baroh.
7. Khad-ar symbai ka mei ram-ew,  
Ki jingrep ki khun bynriew;  
Symbai ki rnai ki ia kynshew,  
la jingim ba khraw ki kyntiew.
8. Ki khynnab kiba dang pule,  
Ki dei kita ki somoi trei;  
Jingsharai bha por dang khie,  
Ba ki soh babha kin sa sei.



## KA PYNTHOR KBA

1. Ha jaka them ba madan,  
Ki briew ki shna pynthor;  
Ki stiar ba kyrdan kyrdan,  
Ha madan ktieh bad ahor.

2. Katba ka um ka dang par,  
Ia ka khyndew ki la pyntwa;  
Sa ka nala um ki tih ki tar,  
Ban biang jaka rep kba.
3. Ki den ia ka um ba kan neh,  
Katba ka um hi ka dang kot;  
Katba ki nang ia trei tyngch,  
Ki pynmadan lyngkhot lyngkhot.
4. Sawdong jong ki ranab lum,  
Ha ki them ki pynthor ki shaa  
Na wahduid la ring ia ka um,  
Ba la pyntuid sha pynthorkba.
5. Por pyrem ki lur bad ki puh,  
Ia ka khyndew ban pynjem;  
Masibun ruh ki da pyniuh,  
Da jem hijai ki pynkyrdem.
6. Sdang ka lyiur ki thung ki bet.  
La slap la biang la poi ki por:  
Bad ki la kham trei pynstet,  
Man ka step ki la poi ha pynthor.
7. Pdeng lyiur ki ia thiew nuit,  
Ki sumar pynkloi bran bran;  
Ki trei ha ban da dep lut,  
Ba u kba un khie un san.
8. Por synrai u kba u sei ki soh,  
U phuh syntiew kiba rit eh;  
Ki sa pun um pat hangta baroh,  
Nangta sa ban sohsaw ki khreh.
9. Sa khyndiat sngi ki la sohsaw,  
Kumta ki la sdang ban byrtem;  
Ka jingihun shisha kaba khraw,  
La stem hi mur ki jaka them.

10. Hadien kata u la jan ban ih,  
 Ki khreh sdang artad ban ot ;  
 Dang step na ing ki ju ia mih,  
 Da la biang por ki trei minot.
11. Da la dep ot kba ki sa shoh,  
 Sha la ing ban ia pynpoi ;  
 Kida ia kit hi baroh baroh,  
 La ka phawar risa kyrhoi.
12. Poi ing poi sem u khaw u kba,  
 Shi ing shi sem ba ia trei lang ;  
 Ka jingtngen ba Lordor shisha,  
 Shi ing kynthei bad shynrang.



### JINGTREI JINGKTAH

1. Kiba smat ka trei ka ktah,  
 Ki dkhot met baroh ki khih ;  
 Ka pynkhlaui ia ka dohksah,  
 Ba ka syep ka ioh ban mih.
2. Ban khlem ka trei ka ktah,  
 Ka met ka phad baroh ka jem ;  
 Ka syep ha met ka ju iai sah,  
 Ka sah kut la kumba pdem.
3. Lada trei kynsan borbah,  
 Kam ju long pat kaba bha ;  
 Ban dep kloï te la kwah,  
 Ka jingpangmet ka wan jia.
4. Trei kynjai ha la i bor,  
 Ia ka lawei da pyrkhath ;  
 Ia la ka met da pynshong dor,  
 Ha la ki jinglong ba smat.

5. Bor ba khlañ ne bor barit,  
Da trei adkar bha kynthop ;  
Ba ka met kan biang kan bit,  
Ha jingminot ka long jingjop.
6. La ki brieve ba don ba em,  
Ban trei kida sngewsalia ;  
Tang ur khyndiat pat ki shem,  
Ka pangmet ba khlem shongnia.
7. Jingur bym pat da i lei lei,  
Jingud ba la sngewtlor ;  
Dei jingleh suk ha pyrthei,  
Ia lade hi la shet shukor.
8. Ka jingpynkhih ia la ka met,  
Ha jingtrei la kti la kjat ;  
Ban ur kai shu ieng pynstet,  
Ki jingmlieñ ki met ba smat.
9. Ka dohksah ha met kaba eh,  
La ki thied bad la ki shyieng ;  
Ha ki jingtrei ba ju iai ialch,  
La sha lyngkha ne la ha ing.
10. Jingmlieñ ban trei ka long dawai,  
Ia jingkoit ka met ka phad ;  
Jingpang ka kham phet jngai,  
Ba ka mynsiem ka pyngngad.



### KPER SOH

1. U trai u sumar ia la ka jong ka kper,  
Ki soh ba bun kyrhai kyrteng ba u jer ;  
Ki soh don kiba la ih bad kiba dangrit,  
U trai u sumar la ki por ki jingibit.

2. Ki soh kiba la ih la itynnad shisha,  
Ki sawbyrtem la kum ki soh niamtra ;  
Nongrep bashisha uba kwah ia u symbai,  
U kylli thikna ban tip ia jingjanai.
3. U nongrep ba anna u kwah tang ban mad,  
Halor u symbai um kwah long kynrad ;  
Da lyngkar jingker hala ki jong ki soh.  
Tang shu lait tiak ban mad pynjot ki ioh.
4. Nongrep anna la ioh mad ba u la rkhe,  
Um sngewthuh ba la shah tim ia lade ;  
Tang ban ioh mad u mlien ban lalot,  
Shi rta jingim pat u ju ngat jingjot.
5. Isih baroh ki shong ki sah ryngkat,  
Ba ia jingkhlem akor ba u la bat ;  
Bad ia kita ki soh lyngkar jingker,  
La isih lem baroh ki kher ki mer.
6. Para nongrep baroh kynmaw ban sharai,  
Nyngkong ia ka kper bad ia ki soh ki symbai ;  
Ba ynda la noh ka rta ba la tymmen.  
Ki soh ki symbai ki ai jingtingen.
7. U nongrep dei ban long uba sharai bha,  
Ba ka kper kan long kaba seisoh shisha ;  
Lada u sunar ba khlem kit khia thikna,  
U ngat jingjynjar ei da la noh ka rta.
8. Nongkwah rep soh u dei ban kylli bha,  
Ioh ngat da ki symbai ki bym thikna ;  
Ba ioh ngat da ki soh kiba lyngkar jingker,  
Ioh buid ioh bram ei ha shi lynter.
9. Lada jia ba ngat ki soh lyngkar jingker,  
Ba itynnad palat ba kum leit kner ;  
Hadien kim banse ban bret kynthar,  
Ia jingmut bashisha ba la nang iapher.

10. Haba kwah symbai da pyrkhath bha,  
 Bad ki kmie ki kpa ban tip jingshisha ,  
 Ban biang ban bit ki akor ki burom,  
 Ban iar ki soh ki symbai junom.



## KHUN JYNDONG JINGMUT

1. Katba dang rit ki khun ki kti,  
 Ka kmie kaba sumar ia ki ;  
 Katba nangsang nangrangbah,  
 Ki ioh jinghikai jingbthah.
2. Ha jingheh jingsang jongki,  
 Jingbthah nangbun man ki sngi ;  
 Ha ki buit ba kin ia stad,  
 Ba kin shemphang shem lad.
3. La ha ki wait ki mohkhiew,  
 Ka jingnang jingtip ban kiow ;  
 Ka jingkohnguh ia ki jingbthah,  
 Ki ia nang ka trei ka ktah.
4. Ki khun jyndong jingmut,  
 Ia ka jingbthah ki leh kyllut ;  
 Ki leh atlukhi kumba bitar,  
 La trei ruh khlem adkar.
5. Don kiba kohnguh pynstet,  
 ki saitlah pat sha lyndet ;  
 Jingbthah ki khlem niewkor,  
 Khlem myntoi la lut ki por.
6. Ia jingsneng bad jingpyni,  
 Ki leh khuslai leh mynthi ;  
 Ia jinghikai bad jingbthah,  
 Ki dap da ki jingkyrngah.

7. Da la poi jinglong rangbah,  
Te shaei jinghikai jingbthah;  
Jingbthah khlem jinggeit,  
La ki por baroh ki la leit.
8. Ki khynnah kiba kohnguh,  
Jingbthah baroh la sngewthuh;  
Kiba pule ki kiew shaphrang,  
Ne kiba rep ruh ki da nang.
9. Kiba rep ki sngewthuh, shai,  
Ba ki kpa ki bthah ki batai;  
Ki tip ka por ka aiom ka samoi,  
Thung ia lum ia pynroi.
10. Ki trei hok ia ki jingbthah,  
Naduh ki por long khynnah;  
Ki kam jingtrei ki shemphang,  
Da la rangbah da roi shaphrang.



### SAMLA BA KOHNGUH

1. Katno jingsngew muja.  
Ha ki por ba dang samla;  
Ba dap da jingsngewbha,  
Ha ryngkat i mei i pa.
2. Mynsiem ka sngewphuh,  
Haba dap da jingkohnguh;  
Ia i mei i pa,  
Bad hymmen para.
3. Ka pynbha ia la ka rta,  
Ba kohnguh ia i mei i pa;  
Ka burom ka akor,  
Ha pyrtthei shong kordor.

4. Saitlah kaba ju jynjar,  
Jingkhuslai ka mih synshar.  
Mynsiem kala rakkhoh,  
Sa ka jingjot ka ju snoh.
5. Kam don jingmyntoi ei ei,  
Ban saitlah ia la i mei;  
Shongskhem ka jingshisha,  
Shi jingim longbha manbha.



### KI SIM POR SOHSAW KBA

1. Marwei sha la ki jong ki lyngkha,  
Ban beh sim por sohsaw kba;  
Dang step phyrngab la mih na ing,  
Sha lyngkha khlem don jingtieng.
2. Tang shu kynih syiar la khreh,  
Ba dei ki por ialeh tynggeh;  
Dei ki por kongsan ban pahara,  
Ialeh tynggeh da jingsngewbha.
3. Sohkba u sei bad u pun um,  
Ki sei baroh ha khar u skum;  
Dei ka por ba ki sim ki sib kai,  
la u khaw u kba u jingim tynrai.
4. Ban tang shu iohmon ki sim,  
La lehnohei u sohkhaw ka jingim;  
U kba baroh u sa kylla stait,  
Ban ioh ki sim ban sib ban dait.
5. Khlem don jingeh ban ieng shakri,  
U kloï ban eh khyndiat sngi;  
Namar u kba u kloï ban ih,  
Sa ki por lum dei ban khih.





## SYNTIEW BA SHISHA

1. Ki syntiew ba itynnad baroh,  
Sətlak ha sla jong ka pyrthei;  
Ki syntiew ba khlem u soh,  
Tang jingpynsarong ki dei.
2. Syntiew ba don jingshisha,  
Ia jingim kordor ki kyntiew;  
Ki syntiew barit ba thikna,  
Ki bishar ki khun bynriew.
3. Syntiew barit mano ba peit,  
Ki puh beit la ki jong ki kam;  
Ba un soh ym don ba ngeit,  
U long pynban u soh ba larkam.
4. Lam ki syntiew kiba rit,  
Dang slem ban bud ki soh;  
Ki bym ngeit ki shu kyndit,  
Jingiaim lem pynban ia ioh.
5. Syntiew bahch ba itynnad,  
Ban pynim lem ym don lad;  
Te khlem ki soh ban pyrkhat,  
Ia jingim mano ban bat.
6. Ban da ngam ki jingpyrkhat,  
Ba jylliew kit ki jingpason;  
Jingmut kita kiba pait pnat,  
Ha kita te shong ka mon.
7. Syntiew barit bad bud ki soh,  
Ka kam ka kren ia jingkordor;  
Jingim iai kyrshan ia baroh,  
Ynda ia ih ia dei ki por.
8. Ki syntiew bym da shisha,  
Kiba tlor beit khlem ki soh;  
Ki syntiew kiba tang ar bynta,  
Bad tang ki symbai ban ioh.

9. Ki syntiew ba shisha ki don,  
Ki syntiew ki soh bad ki symbai.  
Ban ai jingim lem ki mon,  
Jingkyrshan jingim ba janai.
10. Syntiew ba shisha ki syriem,  
Ia kiba lehril kiba stad;  
Kiba skhem la ka mynsiem,  
Jinghikai kordor bun ki lad.
11. La lehril ki stad bakhray,  
Bun shisha kiba kren bein;  
Ha dien pat ka nam ka paw,  
Ha ki bastad dei kumta keiñ.



### KHUN JYNSUR JINGMUT

1. Ka kmie ia ki khun ka kha,  
Ka ai bun ka ri ka bsa;  
Ka thum ka doh ka kjub.  
Da jingieit ka ri ka kdup.
2. Ha jinglong khylung khyannah,  
Ban hikai ka kmie ka kwah;  
La ki jinghikai ka thaw lad,  
Ba ki khun kin ia stad.
3. Ka hikai ba kin ia ngeit,  
Ban don jinglong kaba beit;  
Naduh dangrit ha ban da heh,  
Ba kin ia ngeit ka ia leh.
4. Ki khun ba ngeit ba kohnguh,  
Ka kmie ka kdew lynti shuh;  
Ki kmie ki kpa ki ai jingmut,  
Akor babha ba kin nanglut.

5. Ki khun ban nang ki kwah,  
Ban iar ha jinglong rangbah;  
Namar ka lashai la shisngi,  
Ba ka ing kan iai ia tylli.
6. Ki khun ki jynsur kynjai,  
Ki sngap bha ia ki jingbatai;  
Ba tang ki jait kam babha,  
Ba lait jynjar ba thamula.
7. Ki khun ki ia nangbha,  
Ba pynshai ki kmie ki kpa;  
Da ki sur kiba jemnud,  
Ki khun ki suk ban bud.
8. Ha la ki kam ki pyrkhat,  
Ban nangtur sha khmat;  
Ban ia batai kam ki proh,  
Jinghikai babha bala ioh.
9. Ki khynnah mynsiem jynsur,  
Katba nangbthah katta ki shlur;  
Ia jingeh ki kloi ban kylli,  
Wei la bthah ki la nang hi.
10. Ki jinglong ki sngewrit,  
Akor babha ki biang ki bit;  
Kim ju leh heh leh meng,  
La jingtipbriew babha ki ieng.



### KPA JYNSUR

1. Shynrang long kni ha ingkur,  
U long kpa ha ing ki khun;  
Shynrang ba long jynsur,  
Ha kur ha kha ia sngewhun.

2. *La don jingthmu wad samla,  
Jinglong rangbah u da swar;  
Jingmut babha ban longkpa,  
Jingeh baroh uda bishar.*
3. *Jinglong rangbah uba shisha,  
Ha jingwad u kloi ban shem;  
Ka samla ka sngewthuh bha,  
Da u rangbah uba skhem.*
4. *La longkpa te u rangbah,  
La longkmie te ka samla;  
Jinglongkpa u la kit la bah,  
Shi lynter jingim u bsa.*
5. *U don mynsiem jynsur kynjai,  
Kmie ki khun bad ba ha ing;  
U minot ka khih ka kamai,  
Ka jingbha u phuh u phieng.*
6. *U sneng khun ban iabha,  
Ha ing ha sem jongki;  
Mynsiem baroh ban ia shida,  
Ban ia ioh jingkyrkhu hi.*
7. *Ki khun ki ia kohnguh,  
Ba u kpa shisha uba sian;  
Uba jynsur uba sngewthuh,  
Ba ai jingbha mian pa mian.*
8. *Jynsur mynsiem u kpa,  
Ki khun ki nang kumjuh;  
Niewkor ki longkur longkha,  
Ki jingdon akor ki sngewthuh.*
9. *La ki riewspah ne ki duk,  
Akor sngew rit bakhrav ki don;  
Jinglong brieve jongki kaba suk,  
Mynsiem ia rap lem ki mon.*

10. Longshynrang ha ka pyrthei,  
 Uba bat skhem ia ka akor;  
 Uba hun mynsiem ha jingpalei,  
 Lynter jingim u long kordor.



### KMIE JYNDONG JINGMUT


1. Ka kraie ka bym jynsur,  
 La ka ing la ju sniewdur;  
 Ba bun ka mai ingkhong,  
 Kylla sniew ei ka jinglong.
2. Ia la ki khun ia la ki kti,  
 Ha jingbakla la mai dukhi;  
 Ka kiew khlut ka jingdom,  
 Kam pyrkhat ia ka burom.
3. Ka kren dukhi kren dukhait,  
 Ia ki khun la kumba dait;  
 Ka mai dom jingkhlem akor,  
 Kumba hikai man la ki por.
4. Ki khun pat ki la myllen,  
 Ki khun kumjuh hi ki kren;  
 Ki khun lei kila kham nang,  
 Ha ki sur ki nong lamphang.
5. Ki khun ki bakla akor,  
 Bala mlien man ki por;  
 Ia ka jingmut lynti babha,  
 Shibun eh ki la duna.
6. Ia ki jinglong ba sniew,  
 Naduh barit la ong ki briew;  
 Ia leh ban ia kiar jynduh,  
 Dep mai da pynsgewthuh.

7. Wei la mai sa bthah ia ki,  
Ba kin tip ia jingtip sngi;  
Pynsngewthuh ba kin shai,  
Ba ka jingthala kan sa wai.
8. Ym bit pynmlien ia thlia,  
Ym dei ban kwah ia awria;  
Ban lait ki jingkynshi thala,  
Dei ka jingieit ia jingbha.



### KMIE BA JYNSUR

1. Longbriew ka long kynthei,  
Ka longkmie ha ka pyrtnei;  
La khun la kti ha ing ha sem,  
Kaba kdup ha kut shadem.
2. Ia la ki khun ka myllung,  
Jingieit ba long lypung;  
Jingieit ba tylli ka kyntiew,  
Ia ki khun ia ki ksiew.
3. La por sngi ne la por synia,  
Ia ki khun ki sumar bha;  
La ha ing ne la ha bar,  
Dei ka kmie ka nongsynshar.
4. Ki pynbiang ka bam ka dih,  
Ktien jingieit ki ju pynmih;  
Da jingkmien bad jingsngewbha,  
Ia la ki khun ba la kha.
5. Lada jingpang ki khun ki ngat,  
Ka kmie ka tyrkhong ki khmat;  
Jingklusai mynsiem ka anoh,  
Ba kin thiah suk te kim ioh.



6. Tang shu ia koit ia khiah,  
Jingklusai baroh ka la jah;  
Jingkoit dei ka spah jingkmén,  
Bad ka lynti jong ka jingtngen.
7. Ki khun iabun shynrang kynthéi,  
Ki ong ka spah kordor ka spah blei;  
Sa ka jingtipkam ka ing ki tei,  
La ia khot pat ka spah pyrthei.
8. Ka kmie kaba nang pyrkhát,  
Akor burom ka pynryngkat;  
Kiba héh ki la stad nangshai,  
Ia kiba rit kila nanghikai.
9. Ki khun ki ia sngewthuhlang,  
Baroh kynthéi bad shynrang;  
Ha ka lynti ki nongialam,  
Ban iaieit hok ia la ki kam.
10. Akor ba bha bad jingsmat,  
Ia ki kam ia sngewthuh ryngkat;  
Ha ki burom bad ha ki akor,  
Ki dap da jinglong ba kordor.
11. Kiba pule ki da ieit ia ka,  
Kiba rep ruh da jingieit shisha;  
Kiba da ieit janai ia la ki kam,  
Ki long jingim ba kordor tam.
12. Ka kmie ba jynsur sani,  
Ki kam ba bha ka lam lynti;  
Ha ki jingbthah bad jingsneng,  
Jiinglong babha hangta ju ieng.



### SYNSHAR SHNONG

1. Khanatang ki tymmen ki ong,  
Ba hyndai ka jingsynshar shnong;  
Kawei ka shnong uwei u rangbah,  
Jingialam uba kit uba bah.

2. Ha u nongialam bad ki dkhot,  
Ki pyrkhath bha ia ka burom ka rjot;  
Ki kam ba ha khmat dei ka akor,  
Kaba ka shnong ka kham niewkor.
3. Ka burom ka akor ba halor tam,  
Ki akor babha ha shnong ki ialam;  
Ki ia tip akor bha ki riewhyndai,  
Ha la ki shnong ba don da ka rai.
4. Ki pyndonkam ban kren ban khona,  
Ha ki para briew ha ki kur ne ki kha  
Ki kren ki ktien kiba sngewtynnad,  
Ki sur kren kiba sngew pyngngad.
5. Wat la ki kam shongkai samla,  
Kim don ktien khyllaw satia;  
Ki ia hap nia baroh katba ia don,  
la ka akor babha ki ia mon.
6. Baroh ki dap da jingkyrmaw,  
Para briew ban ia kren ehdaw  
Ban long kiba ia koit ia khiah bha,  
Ban ia sngewtynnad sngi ne synia.
7. Wat la ki kam ing kam sem,  
Ka rai shnong hi ka tehskhem;  
Ban iabha ka imlang sahleng,  
Para briew kynthai bad shynrang.
8. Ha shnong ia ki kam shipa,  
Baroh ki iarap ia ki kur ne ki kha;  
Haba don pat ka jingiapsaw,  
Kiba dang ioh khun ym bit wan paw.
9. Ka kam iapsaw ba ka beh raibi,  
Ja ki bym pat kut khun kut kti;  
Tang ki trai ing kim ju laitkiar,  
Ki bar ing ki dei ban husiar.



10. Ka shnong hyndai don lut ka rai,  
Da ki akor ki burom ba janai;  
Ia ka akor kida ia teh thikna,  
Kumta kein donakor mynshwa.



### JINGPYNIAID AKOR SHNONG

1. Ka bor shnong ka pyniaid akor,  
Hapdeng ki paid ki kur ki kha;  
Ka dorbar ka long man la ki por,  
Ki iatch ia ka akor bashisha.
2. Ban pep dorbar akor kim shah,  
Ba dei ban tip akor baroh;  
Ki ia sngap ba batai ki rangbah,  
Jingdonakor ki ia nang baroh.
3. Ka khein kur khein kha baroh,  
U tymmen shnong u sdang pyni;  
Ka juh ka akor jinghikai ki ioh,  
Kumta ka la long dustur riti.
4. Ka dustur riti ka long shnong,  
Ka pynbha jinglong parabriew;  
Kumjuh ka burom ka akor ki long,  
La kumba shirong ki syntiew.
5. Naduh barit ba heh kumjuh,  
Shi ing shisem burom ki nang;  
Khein kur khein kha ki sngewthuh,  
Baroh ki kynthei bad shynrang.
6. Teng teng don hi ki jingbakla,  
Ha ki kam khyndew ne jingri;  
Parabriew ju don ki jingthaba,  
La poi ei sha jingbishar ia ki.

7. Jingbishar ban shisha ka rai,  
Ban tip mano ba dei hok shisha ;  
Ktien hok ki ieng pynsmai,  
La kynran noh kiba sngewbakla.
8. U nongbishar u da duwai Blei,  
Ia ka rai shnong rai hima ;  
Ban im uba hok ha pyrtbei,  
Ia uba thok ban por jingjia.
9. Ban kamjong ia jong kiwei,  
Na ki daw kiba tang shu thaba ;  
Wat ka jingim ruh kan duhei,  
Ba ka hok kiwei ka bam kylla.
10. Akor bad ktien hok ki ia bat  
Jingbishar baskhem ha jingshisha ;  
Ktien hok baroh ki ia ryngkat,  
Ki ju ia poi noh ha jingiabha.



### JINGTROIN AKOR

1. Tymmen shnong ki la ichmon,  
Akor longbriew baroh ba ia biang ;  
La ki akor baroh ba ki ia don,  
Baroh ym don ba noh shilliang.
2. Pateng tymmen shnong la myllen,  
Ba ki jinglong briew ba iaid beit ;  
Baroh ki iai dap da jingtngen,  
La ki kam ki ia wan la leit.
3. Nangiaid ki snem nangbun ki por,  
Dorbar ba kordor tam la klet noh ;  
Shu jah synden ka dorbar akor,  
Namar ba biang akor lut baroh.

4. La bun ha kylleng ki shnong,  
Dorbar akor ba la ia klet baroh;  
La bun jait satang ki adong,  
Ba ka dorbar akor la jah noh.
5. Ki la klet lat kumno ban seng,  
Dorbar akor ha shnong ha ka nima;  
Nongialam kim nang shuh ban sneng,  
La kynrei jingjot ki kur ki kha.
6. Jingialait akor la kynrei thala,  
Sa tang ka hanga hi marwei;  
Para jaid bynriew ki kur ki kha,  
Ka sarong kyreit ka la kynrei.
7. Tymmen samla long kumjuh,  
Khlem sngewtynnad ki jingiakren;  
Akor ba shisha khlem beit shuh,  
Shaei pat ka akor jingtngen.
8. Sa kiba pyrshah ia ka tynrai,  
Dustur barim ki ong ym dondor;  
Ka akor babha la nang jngai,  
Burom babha nangtlor nangtlor.
9. La troin lut ki akor barim,  
Da kumno pat ban ia wad;  
Akor babha ba kin khie im,  
Da kumno pat ban plie lad.
10. Sa tang ki nongsynshar ha ka ri,  
Ha shnong ha hima kari la jong;  
Ka akor ka burom, ka dustur riti,  
Sa tang ha ki ka bor ka shong.



### KI KHUN SOH KHUN SYNTIEW

1. Ki khun ngeit sneng ki briew,  
Ka ktien ki kmie ki kpa ki sngap;  
Wei ka ktien jongki la riw,  
Tang da jingkohnguh ki dap.

2. Ha ki kam ki trei sngewbha,  
Ki pyndonkam hok la ki kti ;  
Ha jingpuk ne trei lyngkha,  
Ki minot man la ki sngi.
3. Ia ka akor ki da ri kyndong,  
Ia i mei i pa hynmen para ;  
Ki kynthop la ieng la shong,  
Ki tngen bad ki sngewbha.
4. Ha jingtrei ki rwai artad,  
Ki palei mynsiem kynjai ;  
Ia la ki kam ki ia smat,  
Kim ju dik kim ju khushai.
5. Ki khun ba kohnguh ki briew,  
Katba batai ki kmie ki kpa ;  
La ju khot kum ki soh ki syntiew,  
La ki shkor ki pynshah bha.
6. Jingtrei ki nang ban synshar,  
Ki buit ki la ioh kynshew lypa ;  
Jingmut jingpyrkhat ruh ki iar ;  
Na jinghikai ki kmie ki kpa.



### JINGLONG SYIEM

1. Ka ri Hynniew skum hynniew trep,  
Sawdong la ka it la ka hima ;  
Ba long shakri bad long nongrep,  
Kyrhai ki paid ki kur ki kha.
2. Don kiba thok don kiba shukor,  
Don kiba kajia don kiba kulmar ;  
Don kiba leh pop don kiba thombor,  
Ba dej ban don u nongbishar.

3. U ba nud hi ban ieng bishar,  
Ia u ba leh pop u ba leh sang ;  
Ha ki paid ki khun ki hajar,  
Ia jingsniew baroh un khang.
4. U ba nud ban bat hok triang,  
Baroh ki kam synshar hima ;  
Ba ki khun ki hajar kin biang,  
Ban syashar da ki jingshisha.
5. U ba bat ia ka nap ka bili,  
Ka kyntang hok ka kyntang blei ;  
Un pyniar hok ia dustur riti,  
Ki ban long syiem shisha ki dei.
6. Naduh hyndai la bun pateng syiem,  
Hima hynniew trep ba bun bynta ;  
La bun kiba mih la bun kiba liem,  
Nangkyllon kiba iajot iapra.
7. Ki syiem ki bun kiba iai neh,  
Dei kita ki jinglong ba bha ;  
Wat la ki ia kynduh jingeh,  
Nang ia mih bteng ha ka hima.
8. Ki syiem bad jinglong babha,  
Ki icit ia la ki khun ki hajar ;  
Ia khun swet khun rangli ki bsa,  
Ha ing syiem hi ki ia sumar.
9. Ki khun ki hajar ki da iarap,  
Ia la u syiem jong ka hima ;  
Ia jingduna u syiem ki pyndap,  
Ki ia ai la ki mar ki mata.
10. Ka niam ha ka hima ruh ki leh,  
Ba ud ki khun jong ka hima ;  
Ryngkat kiba khraw ki khreh,  
Na ka bynta ka hima ki knia.

- F1. Ban phet ka snem ba sniew,  
Ban wan ka jingroi jingbha ;  
Ban iakoit ruh ka longbriew,  
Ha baroh kawei ha ka hima.
- F2. Ki syiem babha ki iai neh,  
Jingsynshar junom ki ieng ;  
Ka dustur ka riti ki iai leh,  
Bad ki syiem ki nang mih bteng.



### KA KTIEN BA KORDOR TAM

1. Baroh parabriew ha pyrthei,  
La ki kur ne la ki kha ;  
La ka lynti ba duwai Blei,  
Ka dei ka ktien kaba shisha.
2. Ki ktien ba kordor tam,  
Jinglong baroh ka ialam ;  
Ia kiba hapoh ne ba halor,  
Ktien jingkren kaba kordor.
3. Ki ktien kiba sngewtynnad,  
Ban sngap ba sngewpynggad ;  
Kumba beh ka lyer ba jajai,  
Ka beh ia ki jingklusai.
4. Ka ktien du ka jingshisha,  
Ka ju thom ia ka jingiakajia ;  
Ia ki jingjot ia ki jingpra,  
Ka ju pyndem khala khala.
5. Jinglong ba shaphrang tam,  
Dei ka ktien bud ka kam ;  
Jinghikai na ki ktien la iah,  
Ban sngewthuh baroh baroh.

6. La ki khmat bada ia pelt,  
 Ktien kordor ka nangpynbeit;  
 Ia ki ktien kordor ia tip shai,  
 Ba donkam haduh jingduwai.



### KA KTIEN BA PYNPAW

1. Baroh parabriew ha pyrthei,  
 La ki kur ne fa ki kha;  
 La ka lynti ba duwai Blei,  
 Ka dei ka ktien kaba shisha.
2. Ka ktien ba sei soh palat,  
 Sha bym iohi da ki khmat;  
 Da jingiohi pat ym i dei,  
 Ka jingsawa pat ka shlei.
3. Ban ia sngap baroh lang,  
 Baroh kynthei bad shynrang;  
 Ktien sarong ka ju paw,  
 Ba thung syntiew halor maw.
4. Ktien sarong ba kwah tam,  
 Shaphrang ba kan nang lam;  
 Ban jop kiwei ym shah,  
 Ban ryngkat ym ju kwah.
5. Jingshisha ban ia nujor,  
 Ka hanga mei kam dondor;  
 Kylla syntiew kai baroh,  
 Ha ki kper khlem ki soh.
6. Shabar kaba sngew pahuh,  
 Ha ing da ka jingkyrduh;  
 Rkhie lyndet ki kur ki kha,  
 Ia lade ka long shet kylla.

7. Ktien pariah kaba shida,  
Ba kren ia ki kur ki kha ;  
Sngewbha ki lok ki jor baroh,  
Nadien don ki jingiaroh.
8. Ka ktien kaba kordor tam,  
Ha jingpyrkhat da ia ngam ;  
Ka ktien ba ia ryngkat dor,  
Dei ka ktien ba don akor.
9. Ktien pariah kaba shida,  
Ba kren ia ki kur ki kha ;  
Sngewbha ki lok ki jor baroh,  
Nadien ka don ka jingiaroh.



### KTIEH PALAT PUD

1. Kam ba pher kam ba phylla,  
Sawdong ka her ka jingbna ;  
Katba nang jngai nangsniew,  
Sha palat pud ka kiew,  
Na ba sdang khyndiat ki daw,  
Sha jngai palat ka paw.
2. Kyndit ba jia kam sniew,  
Bym biang ka jinglongbriew ;  
Ktien palat pud ka her sakma,  
Kylleng sawdong ban ia khana,  
Ki riw pyrkhat ki ju ia kiar,  
Barit ka trai heh ka kfiar.
3. Tang i barit i jingbakla,  
La shu mai jot mai pra ;  
Ba khlem da pyni ne kdew,  
Ia u pud ba khlem da thew,  
Ia jingmai ba halla jam,  
Bha i jingbatai barit tam.



4. Ka jingbitar bad jingdom,  
Ia u pud khlem da burom;  
Ka jingkrenbein kren khoh,  
Ia u pud ka khein poh.  
Khlem u pud ban ia jam,  
Ka burom ka kylla tasam.
5. Tynrai kam ba shisha ia wad,  
Akor bad burom ka plie lad;  
Ia jingkawkaw yn nai ia bud,  
Tip hok ia ia u jong u pud.  
U pud dei ka jingshisha,  
U don ba ka akor babha.
6. Jingryngkat ktien parabriew,  
Ha ryngkat ia eh rngiew;  
Jingapnia shuwa ban kren,  
Ia lade iai dap jingtngen.  
Ia ki soh bad ki symbai,  
La nang pyniar kyrhai.



### KTIEN IALOK

1. Ka ktien ba iadei kam,  
Ba iahap ka nia ka jutang;  
Ba ka ktien ialok ia ngam,  
Ka kam ka iaid shaphrang.
2. Ka ktien ia lok ka don jingthew,  
Ryngkat ka jingiadei kam;  
Ia jingiadei jingthmu ka kdew,  
Dei ka ktien ialok kaba tam
3. Ka jingialok ia kiba ha ing,  
Ka shong skhem ha ka dohnud;  
Lada dei uba dei ban tieng,  
Hynrei ym lah ban pud.

4. Ba u dei u doh u snam,  
Ka mynsiem jingieit ka snoh ;  
La u don ka akor bym larkam,  
Ba ka juh pat ka jinglongdoh.
5. Ka ktien ialok ka duh ka dam,  
Ka akor jong ki kaba ia lait ;  
Lada leh mon ia ka kam ka jam,  
Sa ngiah lut ki kur ki jaid.
6. Para ba ia dei ka leit ka wan,  
La trel la ktah ne khaii pateng ;  
Ka jingiadei kam ka pyniajan,  
Dei ka ktien ialok ba ka seng.
7. La ki kha ki man sha jogai,  
Ne para shnong para thaw ;  
Ia ka kular kiba tip shai,  
Jingiadei kam ka nang khraw.
8. Para ba pliah jingpyrkhat,  
Ia ktien hok ki ri kyndong ;  
Jinglong ba ia bha ryngkat,  
Ktien ialok shisha ka shong.



### KTIEN BIRIA

1. Don bun ki riew bun nia,  
Ba ia kren ia khana kai ;  
Ba la khot ka ktien biria,  
Ki kren sngewbha sadhai.
2. Ka ktien ba pynbyrngia,  
Ka ktien ba pynsagewtynnad ;  
Khlem pynkhuslai satia,  
Ka jingkren la kumba shad.

3. Kam sngewsih ne kam sngewbha,  
Haba don lang ki nongbiria ;  
Ia shngain paidbah hangta,  
Da jingiarkhie bad jingrisa.
4. Ktien biria u nong danda,  
Ktien hok ruh u tip u nang ;  
U kren kai ban ia sngewbha,  
Ba dei ruh u riew shemphang.
5. Ktien biria la sngewthuh lypa,  
Ia ka sur thamula ktien kai ;  
Da ki shyntur u ai nuksa,  
Da jingmutdur khlem tynrai.
6. Ka ktien biria ki kur ki kha,  
Tang da ki jingiarkhie sngewbha ;  
Dei ka ktien ba la tip lypa,  
Ki khynnah tymmen bad samla.



### KTEN SBUN

1. Ka bthah bad batai lem,  
Da ka jingmon sngewbha;  
Ia ka jingshisha ban shem,  
Da ktien sbun ba thikna.
2. Ka mai lem bad ka khroh lem,  
Para marjan para marpar;  
Jingtip ba kan shong skhem,  
La dei ha ing ne dei shabar.
3. Pynlathuh bad pynkren;  
Ia ka lynti kaba shisha;  
Ia kiwei ba la pyntngen,  
Sah pyrto ia ka jingbha.

4. Ktien sbun kaba kordor,  
Ka shong ha ka dohnud;  
Baroh ba ia niewkor,  
Nuksa baroh ba ia bud.
5. Ka jingkyrkhu ka jingkyrdoh,  
Ka jingkren kitbok ehrngiew;  
Ka ktien kaba kum u soh,  
Ka ktien ba kum u syntiew.
6. Ka ktien sbun para brierw,  
Ia ka burom ba kordor tam;  
Shaphrang ka iai kyntiew,  
Jingbha para brierw ka ialam.
7. Ka ktien sbun baia kren,  
Kat ka kam ym lah shaniah;  
Kumta ia kiar ha shen,  
Kum kita dei ban ngiah.
8. Kiba ia ryngkat ka akor,  
Ktien sbun ba kordor tam;  
Khyndiat te da ia nujor,  
Bad jingbha ka iai ialam.



### KTJEN JEM

1. Sngewhun ha la ka ing,  
Sngewhun ha la ka sem;  
Ia kren kam ba suk kynjai,  
Jingiakren ki ktien bajem.
2. Ia hun mynsiem ki barit,  
Ia hun mynsiem ki bahalor;  
Ki kam baroh iaid beit,  
Ha ki ktien don akor.

3. Parashnong ki parathaw,  
La sha jngai ne la hajan;  
Ju ia shem man la ka por,  
Ki ia suk ka leit ka wan.
4. Ktien jem ba sngewtynnad,  
Kyrhai ha la ka ing;  
Jingdon akor ka nang roi,  
Bad ka phuh ka phieng.
5. Ki briew ki ia khana,  
Ia ki ktien ba ki ia thew;  
Kum umpohlieu ba shngiam,  
Baroh ki da ia kdew.
6. Ka trei ka ktah ba suk,  
Katba ka shah ka kam;  
Ka met ba sngewkylluid,  
Ktien jem ka ia lam.
7. Jingsuk long nyngkong,  
Ka mynsiem ba palei;  
Ban don sa ka jingsmat,  
Jingtngen ia nangtrei,
8. Ha ki sur ktien jem,  
Ba shongskhem ka akor;  
Iaineh jingbha ha ing,  
Ha shi lynter ki por.



### KTIEU SNGEWBHA

1. Sawdong ka ri ka hima,  
Ba longtraï ka ktien sngewbha;  
Ba pyniaid da u nongsynshar,  
Ia la ki paid ki khun ki hajar.

2. U nongsynshar u ju pynshitom,  
Ia ki ba kren sniew khlem burom ;  
U ai jingsneng bad pynjynjar,  
Ia ktien sniew ba kin kiar.
3. La lengskhem ka ktien sngewbha,  
Baroh sawdong ha ka it ka hima ;  
Haduh dorbar jong ki shnong,  
Ktien sngewbha ka da shong.
4. Haduh longiang longkur longkha,  
Shongskhem ka ktien sngewbha ;  
Haduh shimet kynthei shynrang,  
Ktien sngewbha ki ksoh lang.
5. Don teng u ba kren khlem akor,  
Kum ia uta kim ia niewkor ;  
Ia kynthei shynrang kum kita,  
La shah khot ki riew thala.
6. Judon jingiatainia dorbar,  
Na ki jingiatainia ki paidkar ;  
Ki thmu ia kawei ka jingbha,  
Bym sngewbha ki da saidthma.
7. Jingthmu hadien ia poi hajuh,  
Baroh lang ki la ia sngewthuh ;  
Judon jingiarkhie bad jingrisa,  
Hangta ieng ka ktien sngewbha.
8. Hapdeng ki paid parabriew,  
Ia ktien sngewbha ki kyntiew ;  
Ia kyrkhu kyrdoh ia jingshisha,  
Markylliang da ktien sngewbha.
9. Ryngkat ki ktien biria danda,  
Ryngkat ka rkhe sngewbha ;  
Ryngkat ka ktien ia kitbok,  
Ryngkat ka ktien kren hok.

10. Ki paidbah ka shnong ka thaw,  
 Haduh u syiem bad ba khraw;  
 La iaineh satlak jong ka hima,  
 Jingsynshar bad ktien sngewbha.



### KTIENT THOK

1. Ia leit ia wan paralok,  
 Hala ki jingdonkam;  
 Ju don tienkai tienthok,  
 Bad tien hok ba kordor tam,  
 Tienkai tienhok baroh,  
 Hadien ba iathuh noh.
2. Ki ktien thok khlem phla,  
 Leh sngap leh len pynban;  
 Long mlien noh ka rta,  
 Ka jingmlen ka nangwan,  
 Ia ki lok ia thok shisha,  
 Kloi ia leh ban phla.
3. Ka ktien thok ka ju paw,  
 Hadien ha ki jingshisha;  
 Kiba shah thok ki kynmaw,  
 Bad nang pur ki khana,  
 Ki ba thok khlem phla,  
 Ia lade ki shet kylla.
4. Ngiah lut ki paralok,  
 Sa poi ka sah marwei;  
 Ia kita ki ktien thok,  
 Ym ju don ba isynei.  
 Ktien thok dei bah kiar,  
 La i hok da ia sumar.

5. Ki lok baroh ki tieng,  
Ia kiba mlien ktien thok ;  
Ioh bit ia kiba ha ing,  
Ioh poi sha jingsniew bok.  
Ktien thok ba kit khoh jot,  
Ka ju poi sha jingianot.
6. Kiba nang biria kai,  
Ki la pynsngewthuh lypa ;  
Baroh ia sngewthuh shai  
Baroh ki rkbie sngewbha,  
Ktien hok ba pynbha rta,  
Sngewtynnad ki kur ki kha.



### KTIEN SNGEWSIH

1. Sawdong ki kam ki jam,  
Sawdong ka ing ka sem ;  
Kynduh bun jait ki kam,  
Jingeh ba ju ia shem.
2. Sawdoug ka iaide ka ieng,  
Sawdong ha la ka met ;  
Jingpisa don hi teng teng,  
Katba ka por la nang phet.
3. Pisa mynsiem bakla ka don,  
La paw ktien sngewsih ;  
Khlem don te ka mon,  
Hynrei balei ba ka mih.
4. Kynsan mih jingkyndit,  
Ka ktien la sei ruma ;  
La kumba kren shongshit,  
Poi pynban ka ktien thala.
5. Uwei ne ar ba ju pynmih,  
Uda ia pher la kur la kha ;  
Uba mlien ktien sngewsih,  
Shah kynnoh u riewthala.



6. Kiba bun ktien iamrem,  
Ban pyntngen ia ki ym lah;  
Ia kita ki bym lah pynjem,  
La khot ki riew pankwah.
7. Kiba mlien ban bitar,  
Ha ki kam ki lok ki jor;  
Ki ju ngat ka jingjynjar,  
Sha u pud ka jinghiardor.
8. Ktien sngewsih da ia kiar,  
Bad ju ia map ia jingbakla;  
Jingiabha ka ieng synshar,  
Ha ki paid ki kur ki kha.



### KTIEN KA NONGIALAM

1. Ki kam ka ing sem,  
Jingialam kiba halor;  
Baheh barit ki pyndem;  
Bad shah la ki shkor.
2. Ka kten ki kmie ki kpa,  
Ka sneng ka bthah ki batai;  
Da ka ktien ka jingsawa,  
Ki khun ki sngewthuh shai.
3. Ki kmie ki kpa khlem kren,  
Bad khlem da pynsngewthuh;  
U ei pat uba lah ban len,  
Ka kam te ka ju duh.
4. Ha ki ba lyngkot jingmut,  
La long kita kiba halor;  
Ki kam te ki iai thut,  
Mophot ei sa ka bor.

5. Ktien batai khlem mih,  
Ktien ialam ka duna;  
Jingbicit bad jingsngewsih,  
Ka teh kam pat hangta.
6. Ktien ha baroh ki kam,  
La kaba bha ne kaba sniew;  
Ka dei kein ka nongialam,  
Ka dei shisha ka nongkyntiew,
7. Dei ka ktien ka nongialam,  
Da ka ktien ia nang ban trei;  
La ha baroh te ki jaid kam,  
Kat ba shah ha ka lawei.
8. Lada dei eh ban dom,  
Jingbitar wat sei shabar;  
Ha mynsiem la dei ban thom,  
Dei hangta ym ju kulmar.
9. Jingsharai ia ka ktien,  
Ba ka long ka nongialam;  
Ktien sniew ka pynmlien,  
Ba ju poi sha ki kam.
10. Ia ka ktien sniew ich bak,  
Wat lada ikwah palat;  
Ka jingsniew kan duh jak,  
Iai im sngewbha ryngkat.





***Da u juh u Nongthoh :—***

1. Ka Kot 'Mei Pa'
2. Ka Kot 'Saipar'

 242945

***La shon ha :—***

**IBANI Printing Press,  
Upp. Jaiaw Lann Sonn Lane  
Opp. St. Joseph's Dispensary  
Shillong - 2.**



**Ngi shon ia baroh ki juit kot,  
kum ki Magazine, Letter head,  
Bill Book, Receipt Book,  
Programme, Nobels, Wedding  
Card, kot Jingrwai, Poster,  
Forms, Report Cards,  
bad kiwei kiwei.**

---